

全上古三代秦漢三國六朝文

全晉文卷十三

烏程嚴可均校輯

左九嬪

九嬪名芬齊國臨菑人祕書郎左思妹泰始八年拜修儀後爲
貴嬪有集四卷

離思賦

生蓬戶之側陋兮不閑習於文符不見圖畫之妙像兮不聞先哲
之典謨既愚陋而寡識兮謬忝側於紫廬非草苗之所處兮恆恍
惕曰憂懼懷思慕之切怛兮兼始終之萬慮嗟隱憂之枕積兮獨
鬱結而靡訴意慘憤而無聊兮思纏絲日增慕夜耿耿而不寐兮
魂憧憧而至曙風騷騷而四起兮霜皚皚而依庭日曖曖而無光
兮氣惻惻曰冽清懷愁戚之多感兮患涕淚之自零昔伯瑜之婉
孌兮每綵衣曰娛親悼今日之乖隔兮奄與家爲參辰豈相去之

云遠兮曾不盈乎數尋何宮禁之清切兮欲瞻觀而莫因仰行雲
日歔歔兮涕流射而沾巾惟屈原之哀感兮嗟悲傷於離別彼城
闕之作詩兮亦日日而喻月況骨肉之相於兮永緬邈而兩絕長
含哀而抱戚兮仰蒼天而泣血

亂曰骨肉至親化為他人永長辭兮慘愴愁悲夢想魂歸見所思
兮驚寤號咷心不自聊泣漣漣兮援筆舒情涕淚增零訴斯詩兮

晉書左
貴嬪傳

相風賦御覽一百四十五
引左貴嬪集目錄

孔雀賦

戴綠碧之秀毛擢翠尾之修莖飲芳桂之凝露食秋菊之落英耀

丹紫之儵爍應晨風曰悲鳴魏文類聚
九十一

鸚武賦

色則丹喙翠尾綠翼紫頸秋敷其色春耀其榮魏文類聚
九十一

白鳩賦序

泰始八年鳩巢於廟闕而孕白鳩一隻毛色甚鮮金行之應也

九百二十一

松柏賦

何奇樹之英蔚記峻岳之嵯峨被玄澗之逶迤臨淥水之素波擢
脩本之丸丸萃綠葉之芬葩敷纖莖之龍莖布秀葉之葱青列疏
實之離離馥幽藹而永馨紛翕習曰披離氣肅肅曰清冷應長風
曰鳴條似絲竹之遺聲稟天然之貞勁經嚴冬而不零雖凝霜而
挺幹近青春而秀榮若君子之順時又似乎眞人之抗貞赤松遊
其下而得道文賓洽其實而長生詩人歌其榮蔚齊南山曰永靈

藝文類聚卷八十八
初學記二十八

涪濕賦

覽庶類之肇化何涪濕之獨靈稟陰精曰運景因落雨而結形不

係根於獨立故假物以資生體珠光之皎皎若凝霜之初成色鮮
熠目熒熒似融露之將停亡不長消存不久寄其成不欲難其敗

亦曰易也魏文類聚八

武帝納皇后頌咸寧二年案魏文類聚十五文選燕城賦注宣貴妃詠注引此題皆如此

峨峨華嶽峻極泰清巨靈導流河濱是經惟瀆之神惟嶽之靈鍾
於楊族載育盛明穆穆我后應期挺生含聰履詰岐嶷夙成如蘭
之茂如玉之瑩越在幼沖休有令名飛聲八極翕習紫庭超妊邈
媿比德皇英京室是嘉備禮致聘令月吉辰百僚奉迎周生歸韓
詩人是詠我后戾至車服暉映登位太微明德日盛羣黎欣戴函
夏同慶翼翼聖皇歡詰孔純愍茲狂戾開惠播仁蠲釁滌穢與時
惟新沛然洪赦恩詔遐震后之踐祚罔固虛陳萬國齊歡六合同
欣坤神抃舞天人載悅興瑞降祥表精日月和氣烟熅三光朗烈
既獲嘉時尋播甘雪玄雲掩諠靈液霏霏既儲既積待陽而晞

現沾濡柔潤中畿長亨豐年福祿永綏

晉書左貴嬪傳
蘇文類聚十五

楊皇后登祚頌

御覽一百四十五
引左貴嬪集目錄

德柔頌

邈邈德柔越天之剛神曰知來智曰藏往含純溥生允矣君子展也大成執德純粹岳峻川停履行高厲蕩乎其平敦興聖道率正不傾令問不已越路厥聲

蘇文類聚二十一

芍藥花頌

御覽一百四十五
引左貴嬪集目錄

鬱金頌

伊此奇草名曰鬱金越自殊域厥珍來尋芬香酷烈悅目欣心明德惟馨淑人是欽窈窕妃媛服之禱衿永重名寶曠世弗沈

蘇文類聚

八十

菊花頌

英英麗質稟氣靈和春茂翠葉秋耀金華

初學記二十七
案蘇文類聚八十一已為傳

統安辛氏作

未知孰是

神武頌御覽一百四十五引左貴嬪集目錄

虞舜二妃贊

妙矣二妃體應靈符奉嬪于媯光此有虔沈湘示教靈德永敷惟

斯美善諒無泯乎藝文類聚十五初學記十

周宣王姜后贊

昭昭宣王克復前制疊疊姜后乃激乃厲執心至公曰恢明世文

類聚十五

班婕妤贊

恂恂班女恭讓謙虛辭輦進賢辨視理誣形圖丹青名侔樊虔

孟軻母贊

鄒母善導三徙成教鄰止庠序俎豆是効斷織激子廣曰墳與聰

達知禮救迷聖道

狂接輿妻贊

接輿高潔懷道行謠妻亦冰清同味玄昭遺俗榮津志遠神遊

荆武王夫人鄒曼贊

天道惡盈極數則微邈哉鄒曼心暎禍幾覩兆歎亡考德知衰賢
智卓殊邈哉難追

齊杞梁妻贊

遭命不改逢時險屯夫卒宮場郊弔不寤哀朋高城訴情穹昊遂

赴淄川託軀清津

齊義繼母贊

聖教玄化禮貴信誠至哉繼母行合典經不遺宿諾義割私情表
德來裔垂則後生

魯敬姜贊

邈矣敬姜含德之英於行則高於理斯明垂訓子宗厲發奇聲宣

尼三歎萬代遺馨已上並載文類聚十八

德剛贊

溫溫德剛實秉道純履此聖義體此敦仁篤物博好靡疏親九族懷附邦邑望塵賈實賤華尚素安貧雖在崇高必若平民匪道之崇譬之生民褒飾之譽謂之謗身惟義是存惟道是遵載文類聚二十

巢父惠妃贊

泱泱長流沔沔清波思文巢惠載詠載歌垂綸一壑萬象匪多神乎鳴矣緬同基阿載文類聚三十六

納楊后贊

清和協極二儀降靈啟茲楊族仁哲誕生徽音內發有馥其馨玄符表運作合聖明文定厥祥考卜惟貞良辰納幣三光清明元公執摯嘉禮告成卿士庶僚爛其充庭赫赫華宗奕世載榮謙光其

專在滿戒盈受茲介福重祚益齡統文類聚十六

元皇后誄井上表

伏惟聖善宣慈仁洽六宮含弘光大德潤四海妾聞之前志卑不誅尊少不誅長楊雄臣也而誅漢后班固子也而誅其父皆曰述揚景仁顯之竹帛豈所謂三代不同禮隨時而作者乎統文類聚十五

惟秦始十年秋七月丙寅晉元皇后楊氏崩嗚呼哀哉昔有莘適殷姜媯歸周宣德中闢徽音永流樊衛二姬匡齊翼楚馬鄧兩妃亦毗漢主峨峨元后光嬪晉宇伉儷聖皇比蹤往古遭命不永背陽卽陰六宮號咷四海慟心嗟余鄙妾銜恩特深追慕三良甘心自沈何用存思不忘德音何用紀述託辭翰林乃作誄曰

赫赫元后出自有揚奕世朱輪耀彼華陽惟嶽降神顯茲禎祥篤生英媛休有烈光含靈握文異于庶姜和暘春日操厲秋霜疾彼攸遂敦此義方率由四教匪怠統文類聚作容德匪荒行周六親徽音顯

揚顯揚伊何。京室是賊。乃媵乃納。聿嬪聖皇。正位閨闈。惟德是將。鳴珮有節。發言有章。仰觀列圖。俯覽篇籍。顧問女史。咨詢竹帛。思媚皇姑。虔恭朝夕。允釐中饋。執事有恪。于禮斯勞。于敬斯勤。雖曰齊聖。邁德日新。日新伊何。克廣弘仁。終溫且惠。帝妹是親。經緯六宮。罔不彌綸。羣妾惟仰。譬彼北辰。亦既青陽。鳴鳩告時。躬執桑曲。率導媵姬。脩成蠶族。分繭理絲。女工是察。祭服是治。祇奉宗廟。永言孝思。于彼六行。靡不蹈之。皇英佐舜。塗山翼禹。惟衛惟樊。二霸是輔。明明我后。異世同軌。亦能有亂。謀及天府。內敷陰教。外毗陽化。綢繆庶正。密勿夙夜。恩從風翔。澤隨雨播。中外禔福。遐邇詠歌。天祚貞吉。克昌克繁。則百斯慶。育聖育賢。教踰姪姒。訓邁姜嫄。堂堂太子。惟國之元。濟濟南陽。爲屏爲藩。本支菴藹。四海蔭焉。徽斯皇妣。孰茲克臻。曰乾蓋聰。曰聖允誠。積善之堂。五福所并。宜享高年。匪隕匪傾。如彭之齒。如聃之齡。云胡不造。于茲禍殃。寢疾彌留。

寤寐不康。巫咸騁術。扇鶴奏方。所疇無應。嘗藥無良。形神既離。載
昏載荒。奄忽崩殂。煙精滅光。哀哀太子。南陽繁昌。攀援不寐。辭
鴈鳴呼。哀哉。闕宮號咷。宇內震驚。奔者填階。赴者塞庭。哀慟雷
駭。流涕雨零。歔歔不已。苦喪所生。惟帝與后。契闊在昔。比翼白屋。
雙飛紫閣。悼后傷後。早御窀穸。言斯既及。涕泗隕落。追維我后。實
聰實哲。通于性命。達于儉節。送終之禮。比素上世。礎無珍寶。含無
明月。潛輝梓宮。永背昭晰。臣妾哀號。同此斷絕。庭宇邊密。幽室增
陰。空設帷帳。虛置衣衾。人亦有言。神道難尋。悠悠精爽。豈浮豈沈。
豐奠日陳。冀魂之臨。孰云元后。不聞其音。乃議景行。景行已溢。乃
考龜筮。龜筮襲吉。爰定宅兆。克成玄室。魂之往矣。于日。今日。仲秋
之晨。啟明始出。星陳夙駕。靈輿結駟。其輿伊何。金根玉箱。其駟伊
何。二駟雙黃。習習容車。朱服丹章。隱隱輻軒。弁綬總裳。華轂耀野。
素蓋被原。方相伉伉。旌旒翩翩。輓童引歌。白驥鳴轅。觀者夾塗。士

女涕漣干乘萬騎迄彼峻山峻山峨峨層阜重阿弘高顯微據洛
 背河左瞻皇姑右睇帝家惟存揆亡明神所嘉諸姑姊妹姊妹媵
 御道送塵軌號咷衢路王侯卿士雲會星布羣官庶僚縞蓋無數
 咨嗟通夜東方云曙百祇奉迎我后安居中外俱臨同哀竝慕涕
 如連雲淚如湛露扁閣既闔窈窕冥冥有夜無晝曷用其明不封
 不樹山坂同形昔后之崩大火西流寒往暑過今亦孟秋自我銜
 恤儻忽一周衣服將變痛心若拙逼彼鸚制惟日增憂去此素衣
 結戀靈丘有始有終天地之經自非三光說文類聚作昧誰能不零存播
 令德沒圖丹青先哲之志曰此為榮溫溫元后實宣慈焉撫育羣
 生恩惠滋焉遺愛不已永見思焉懸名日月垂萬春焉嗚呼庶妾
 感四時焉言思言慕涕漣洟焉晉書左世嬪傳

萬年公主誄

昔滿衣早習周晉夙成咸呂岐疑名存典經猗歎公主在幼剋哲

方德比齒，有邈先烈。何德之盛，而年或闕。何華之繁，而實不結。雨
陰風逝，彤影長滅。赫赫京室，河洛所經。陰精發曜，降茲淑靈。篤生
公主，誕膺休楨。秀出紫微，日暉月明。旣睇豔姿，徽音孔昭。盼蔭其
嬾，婉曼其嬌。寵玩軒陛，如瓊如瑤。雖則弱齒，雙德兼苞。五福所集，
聞之先民。積善鍾慶，祐德輔仁。宜終淑美，光暉日新。云何降戾，景
命不振。嗟嗟榮曜，芳蕤始芳。何辜於天，猥遇降霜。熒熒稚魂，飄飄
遐翔。於戲何辜，痛茲不福。生而何晚，歿而何速。酷矣皇靈，謬哉司
祿。嗚呼哀哉，日月載馳。白露凝結，自主薨徂。奄離時節，吉凶乖逆。
存亡異制，將遷幽都。潛神永翳，嗚呼公主。魂豈是綏，岌岌靈輜。駿
駟駢驅，挽僮齊唱。悲音激摧，士女歔歔。高風增哀，一日不見。采蕭
作歌，況我公主。彤滅體訛，精靈遷逝。幽此中阿，言思言念。涕淚滂
沱，嗚呼哀哉。

藝文類聚十六
又初學記中

目錄

左貴嬪集有離思賦相風賦孔雀賦松柏賦涪瀛賦納皇后頌楊

皇后登祚頌芍藥花頌鬱金花頌菊花頌神武頌四言詩四首武元

皇后誄萬年公主誄御覽一百四十五

惠廢賈皇后

后名南風小名時平陽人太宰賈充女秦始皇八年冊拜為太子

妃惠帝即位立為皇后永康元年為趙王倫所廢矯詔賜死在

位十一年

矯詔授楚王瑋元康元年六月

太宰太保欲為伊霍之事王宜宣詔令淮南長沙成都王屯宮諸

門廢二公晉書楚王瑋傳賈后使惠帝為詔夜使黃門齎召授瑋

太宰汝南王亮太保衛瓘殺之瑋坐矯制斬首虓房之立嗣賈后

先惡獲免又忌瑋故曰相安誅之案瑋傳以此詔賈后逼帝

乞呂王禮葬愍懷太子表

適不幸喪亡傷其迷悖又早短折悲痛之懷不能自己妾私心冀其刻肌刻骨更思孝道規為稽顙正其名號此志不遂重冒酸恨適雖罪在莫大猶王者子孫便冒匹庶送終情實憐愍特乞天恩賜曰王禮妾誠闇淺不識禮義不勝至情冒昧陳聞

晉書愍懷太子傳

明穆庾皇后

后諱文君潁川鄆陵人丞相軍諮祭酒庾琛女明帝太寧元年立為皇后成帝即位尊為皇太后臨朝攝政蘇峻陷京師為所逼辱曰憂崩在位六年

天子拜敬保傅詔

尊師重道帝王之所宜務況童幼方賴師訓之成宜令一遵先帝崇賢之禮

通典六十七

報下壹詔

帝須成人更詳師傅之禮

通典六十七

康獻褚皇后

后諱蒜子河南陽翟人征北將軍褚哀女康帝為琅邪王納為妃及即位立為皇后穆帝即位尊為皇太后臨朝稱制升平元年歸政居崇德宮及哀廢二帝時復臨朝稱制簡文即位尊為崇德皇太后孝武即位復臨朝稱制太元元年歸政至九年崩在位四十年

荅蔡謨等奏請臨朝詔建元二年九月

帝幼冲當賴羣公卿士將順匡救呂酬先帝禮賢之意且是舊德世濟之美則莫重之命不墜祖宗之基有奉是其所呂欲正位于内而已所奏懇到形于翰墨執省未究呂悲呂懼先后允恭謙抑思順坤道所呂不距羣情因為國計豈敢執守冲闇呂違先旨輒敬從所奏晉書康獻

振郵詔永和元年九月

今百姓勞弊其其思詳所已振卹之宜及歲常調非軍國所急者

並宜停之晉書穆帝紀

免蔡謨為庶人詔永和六年十二月

謨先帝師傅服事累世且歸罪有司內訟思愆若遂置之於理情

所未忍可依舊制免為庶人晉書蔡謨傳

答殷融等重議敬父詔永和九年

典禮誠所未詳如所奏是情所不能安也更詳之晉書康獻褚后傳通典六十七

答何充詔

具所啟舊典誠無已相易然此實所悚懼不寔者也通典六十七

已蔡謨為光祿大夫詔永和十年

前司徒謨已道素著稱軌行成名故歷事先朝致位台輔已往年

之失用致黜責自爾已來闔門恩愆誠合大臣罪己之義已謨為

光祿大夫開府儀同三司晉書蔡謨傳

歸政詔

升平元年正月

昔遭不造，帝在幼沖，皇緒之微，眇若贅旒。百辟卿士，率遵前軌，勸喻攝政。呂社稷之重，先代成義，勉俛敬從，弗違固守。仰憑七廟之靈，俯仗羣后之力，帝加元服，禮成德備。當陽親覽，臨御萬國。今歸事反政，一依舊典。晉書康獻褚后傳

歸崇德宮手詔羣公

昔呂皇帝幼沖，從羣后之議，既已闇弱，又頻丁極艱，銜恤歷祀，沈憂在疚。司徒親尊德重，訓救其弊，王室之不壞，實公是憑。帝既備茲冠禮，而四海未一，五胡叛逆，豺狼當路，費役日興，百姓困苦。願諸君子，思量遠算，戮力一心，輔翼幼主，匡救不逮，未亡人永歸別宮。呂終餘協，仰惟家國，故曰一言託懷。晉書康獻褚后傳

呂琅邪王奕承大統詔

興益三年二月

帝遂不救厥疾，艱禍仍臻，遺緒泯然，哀慟切心。琅邪王奕明德茂

親屬當儲嗣宜奉祖宗纂承大統便速正大禮晉書廢帝紀

旨會稽王昱承大統詔太和六年十一月

丞相錄尚書會稽王體自中宗明德勅令英秀玄虛神棲事外旨

具瞻允塞故阿衡三世道化宜流人望攸歸為日已久宜從天人

之心旨統皇極主者明依舊典旨時施行晉書簡文帝紀

荅羣臣奏請臨朝詔咸安二年七月

王室不幸仍有艱屯覽省啟事感增悲歎內外諸君竝曰主上春

秋冲富加蒸蒸之慕未能親覽號令宜有所出苟可安社稷創天

下亦豈有所執輒敬從所啟但闕昧之闕望盡彌諧之道晉書康獻帝后傳

傳

拯卹詔監康二年四月

頃玄象或愆上天表異仰觀斯變震懼于懷夫因變致休自古之

道朕敢不勉意復心旨思厥中又三吳輿壤股肱望郡而水旱併

孫百姓失業夙夜惟憂不能忘懷宜時拯卹救其彫困三吳義興
晉陵及會稽遭水之縣尤甚者全除一年租布其次聽除半年受

振貸者卽已賜之

晉書孝武帝紀

賜米窮民詔

宣康三年十二月

頃日蝕告變水旱不適雖克已思救未盡其方其賜百姓窮者米

人五斛

晉書孝武帝紀

歸政詔

太元元年正月

皇帝婚冠禮備還適宅心宜當陽親覽緝熙惟始今歸政事率由

舊典

晉書康獻裕后傳

收于法閣令

升平五年五月

帝小不佳昨呼于公視脈但到門不前種種辭憚宜收付廷尉

高僧傳

呂琅鄂王丕奉大統令

升平五年五月

帝奄不救疾，崩嗣未建，琅邪王不中興，正統明德，懋親昔在咸康，屬當儲貳，昌羊在幼沖，未堪國難，故顯宗高讓，今義望情地，莫與爲比，其昌王奉大統。

晉書哀帝紀

昌廢帝奕爲東海王，令太和六年十一月。

王室艱難，穆哀短祚，國嗣不育，儲宮靡立，琅邪王奕親則母弟，故昌入纂大位，不圖德之不建，乃至於斯，昏濁潰亂，動違禮度，有此三弊，莫知誰子，人倫道喪，醜聲遐布，既不可昌奉守社稷，敬承宗廟，且昏孽竝大，便欲建樹儲藩，誣罔祖宗，傾移皇基，是而可忍，孰不可懷，今廢奕爲東海王，昌王還第，供衛之義，皆如漢朝昌邑故事，但未亡人，不幸罹此百憂，感念存歿，心焉如割，社稷大計，義不獲已，臨紙悲塞，如何可言。

晉書廢帝紀

穆章何皇后

后諱法倪，廬江潯人，散騎侍郎何準女，穆帝升平元年立爲皇

后無子，哀帝卽位，居永安宮。及桓玄篡位，降爲零陵縣君。與安帝俱西，玄敗，復還京師。元興三年崩，在位四十八年。

下令減膳

元興三年

戎車屢警，黎元阻饑，而膳御豐靡，豈與百姓同其儉約，減損供給，勿令游過。晉書穆帝何后傳

賜進士出身，一品銜廣東等處提刑按察使司按察使兼管驛傳事務，尚書疏藻校刊。

全晉文卷十四

烏程嚴可均校輯

安平王孚

孚字叔達，宣帝弟。建安中，選爲平原侯，植文學掾。遷太子中庶子。魏受禪，轉中書郎，遷給事黃門侍郎，加騎都尉，出爲河內典農中郎將，賜爵關內侯，轉清河太守。明帝卽位，遷度支尙書。齊王時，除尙書右僕射，進爵昌平亭侯。遷尙書令，進爵長社縣侯，加侍中，遷司空。代王凌爲太尉，高貴鄉公時，轉太傅。陳留王時，封長樂公。武帝受禪，封安平王，進拜太宰，持節都督中外諸軍事。泰始八年薨，年九十三。諡曰獻王。

請造沁口石門表

魏黃初中

野王典農中郎將臣孚言：臣被明詔，興河內水利。臣旣到，檢行沁水源，出銅鞮山，屈曲周迴，水道九百里，自太行曰西，王屋曰東，層

巖高峻天時霖雨孤谷走水小石漂迸水門朽敗稻田汎溢歲功不成臣輒案行去堰五里日外方石可得數萬餘枚臣日為累方石為門若天賜旱增堰進水若天霖雨陂澤充溢則塞防斷水空渠衍滂足日成河雲雨由人經國之謀暫勞永逸聖王所許願陛下特出臣表敕大司農府給人工勿使稽延日贊時要臣孚言水經

奏弔陳羣母 魏太和中

尋故事自魏興無三公喪母弔祭輒訪羣誕王肅高堂隆秦靜等

云漢太傅胡廣喪母天子使謁者呂中牢弔祭送葬通典八十三

奏永寧宮 魏嘉平六年九月

守尚書令太尉長社侯臣孚大將軍武陽侯臣師司徒萬歲亭侯臣柔司空文陽亭侯臣冲行征西安東將軍新城侯臣昭光祿大夫關内侯臣邕太常臣晏衛尉昌邑侯臣偉太僕臣寔廷尉定陵

侯臣繁、大鴻臚臣芝、大司農臣祥、少府臣襄、永寧衛尉臣禎、永寧
太僕臣闓、大長秋臣模、司隸校尉潁昌侯臣曾、河南尹蘭陵侯臣
肅、城門校尉臣慮、中護軍永安亭侯臣望、武衛將軍安壽亭侯臣
演、中堅將軍平原侯臣德、中壘將軍昌武亭侯臣廙、屯騎校尉關
內侯臣陔、步兵校尉臨晉侯臣建、射聲校尉安陽鄉侯臣溫、越騎
校尉睢陽侯臣初、長水校尉關內侯臣超、侍中臣小同、臣顛、臣豐、
博平侯臣表、侍中中書監安陽亭侯臣誕、散騎常侍臣瓌、臣儀、關
內侯臣芝、尚書僕射光祿大夫高樂亭侯臣毓、尚書關內侯臣觀、
臣叔、長合鄉侯臣亮、臣贊、臣竊、中書令臣康、御史中丞臣鈐、博士
臣範、臣峻等稽首言：臣等聞天子者，所曰濟育羣生。永安萬國，三
祖勳烈，光被六合。皇帝卽位，纂繼洪業。春秋已長，未親萬機。耽淫
內寵，沈漫女色。廢捐講學，棄辱儒士。日延小優，郭懷袁信等，于建
始芙蓉殿前，裸袒遊戲，使與保林女尚等爲亂。親將後宮瞻觀，又

於廣望觀上使懷信等於觀下作遼東妖婦嬉褻過度道路行人掩目帝於觀上目爲譙笑於陵雲臺曲中施帷見九親婦女帝臨宣曲觀呼懷信使入帷共飲酒懷信等更行酒婦女皆醉戲侮無別使保林李華劉勳等與懷信等戲清商令令狐景阿華勳曰諸女上左右人各有官職何目得爾華勳數譏毀景帝嘗喜曰彈彈人目此悲景彈景不避首目景語帝曰先帝持門戶急今陛下日將妃后游戲無度至乃共觀倡優裸袒爲亂不可令皇太后聞景不愛死爲陛下計耳帝言我作天子不得自在邪太后何與我事使人燒鐵灼景身體皆爛甄后崩後帝欲立王貴人爲皇后太后更欲外求帝惡語景等魏家前後立皇后皆從所愛耳太后必違我意知我當往不也後卒待張皇后疏薄太后遭合陽君喪帝日在後園倡優音樂自若不數往定省清商丞龐顯諫帝皇太后至孝今遭重憂木漿不入口陛下當數往寬慰不可但在此作樂帝

言我自爾誰能奈我何。皇太后還北宮，殺張美人及馮婉。帝志望語景等，太后橫殺我所寵愛，此無復母子恩。數往至故處啼哭，私使暴室厚殯棺，不令太后知也。每見九親婦女有美色，或畱以付清商。帝至後園竹間戲，或與從官攜手共行。熙白從官不宜與至尊相提挈，帝怒，復召彈彈熙。日游後園，每有外文書人，帝不省。左右曰：出。帝亦不索視。太后令帝常在式乾殿上講學，不欲使行來。帝徑去。太后來問，輒詐令黃門荅言在耳。景熙等畏恐不敢復止。更共諂媚帝，肆行昏淫，敗人倫之敘，亂男女之節。恭孝彌積，凶德浸盛。臣等憂懼，傾覆天下，危墜社稷。雖殺身斃命，不足言塞責。今帝不可言承天緒，臣請依漢霍光故事，收帝璽綬。帝本曰齊王踐祚，宜歸藩于齊。使司徒臣柔持節，與有司言。太牢告祀宗廟，臣謹昧死言聞。

魏志齊王芳紀

奏請葬高貴鄉公曰王禮

魏甘露五年五月

太傅孚大將軍文王太尉柔司徒沖稽首言伏見中令故高貴鄉公悻逆不道自陷大禍依漢昌邑王罪廢故事曰民禮葬臣等備位不能匡救禍亂式遏姦逆奉令震悚肝心悼慄春秋之義王者無外而書襄王出居於鄭不能事母此絕之於位也今高貴鄉公肆行不軌幾危社稷自取傾覆人神所絕葬曰民禮誠當舊典然臣等伏惟殿下仁慈過隆雖存大義猶存哀矜臣等之心實有不忍曰爲可加恩曰王禮葬之

魏志高貴鄉公紀

奏請易服復膳

秦始皇元年

太宰司馬孚太傅鄭沖太保王祥太尉何曾司徒領中領軍司馬望司空荀顗車騎將軍賈充尚書令裴秀尚書僕射武該都護大將軍郭建侍中郭綏中軍將軍羊祜等奏曰臣聞禮典軌度豐殺隨時虞夏商周咸不相襲蓋有由也大晉紹承漢魏有革有因期於足曰興化而已故未得皆返太素同規上古也陛下既已俯遵

漢魏降喪之典。曰濟時務而躬蹈大孝。情過乎哀。素冠深衣。降席撤膳。雖武丁行之於殷。世曾閔履之於布衣。未足曰踰。宋志作喻方今

荆蠻未夷。庶政未艾。萬機事殷。動勞神慮。豈遑全遂。聖旨曰從。至

情。加歲時變易。期運忽過。山陵彌遠。攀慕永絕。臣等曰為陛下宜

回慮。割情。曰康時濟俗。輒敕御府易服。內省改坐。太官復膳。諸所

施行。皆如舊制。晉書禮志中。宋書禮志二。通典八。十文。帝崩。國內

衣素冠。降席。撤膳。行服三日。武帝亦遵漢魏之典。既葬。除喪。然猶深

大宰司馬。孚等奏。

重奏。伏讀聖詔。感曰悲懷。輒思仲尼所曰。抑宰我之問。聖思所曰。不能

曰已。甚深甚篤。然今者干戈未戢。武事未偃。萬機至重。天下至眾。

陛下曰萬乘之尊。履布衣之禮。服麤席。棄水飲。蔬食。殷憂內盈。毀

悴外表。然而躬勤萬機。坐而待旦。降心接下。仄不遑食。所曰勞力

者如斯之甚。是曰臣等悚息不寧。誠懼神氣用損。曰疾大事。輒敕

有司改坐復常率由舊典惟陛下察納愚款曰慰皇太后之心晉書

禮志中宋書禮志二
通典八十字等重奏

奏止詣陵秦始二年八月

太宰司馬孚尚書令裴秀尚書僕射武陔等奏陛下至孝蒸蒸哀

思罔極衰麻雖除哀毀蔬食有損神和秋節尚有餘暑謁見山陵

悲感摧傷羣下竊用竦息平議曰為宜惟遠體降抑聖情曰慰萬

國晉書禮志中
宋書禮志二

重奏

臣聞上古喪期無數後世乃有年月之漸漢文帝隨時之義制為

短喪傳之於後陛下曰社稷宗廟之重萬方億兆之故既從權制

釋除衰麻羣臣庶僚吉服今者調陵曰敘哀慕若加衰絰近臣期

服當復受制進退無當不敢奉詔晉書禮志中秀等重奏宋書禮

冊宋志而改作秀者豈此奏
見秀集中耶今仍從宋志

又奏

臣聞聖人制作必從時宜故五帝殊樂三王異禮此古今所已不同質文所已迭用也陛下隨時之宜既降心克己俯就權制既除衰麻而行心喪之禮今復制服義無所依若君服而臣不服雖先帝厚恩亦未之敢安也參量平議宜如前奏

晉書禮志中秀等又奏宋書禮志二作孚

皇后銘旌議 魏景初元年

魏明悼后崩議書銘旌或欲去姓而書魏或欲兩書字曰為經典正義皆不應書凡帝王皆因本國之名曰為天下之號而與往代相別耳非為擇美名曰自光也天稱皇天則帝稱皇帝地稱后土則后稱皇后此乃所曰同天地之大號流無二之尊名不待稱國號曰自表不俟稱氏族曰自彰是曰春秋隱公三年經曰三月庚戌天王崩尊而稱天不曰周王者所曰殊乎列國之君也八月庚

辰宋公和卒書國稱名所曰異乎天王也襄公十五年經曰劉夏
 逆王后干齊不云逆周王后姜氏者所曰異乎列國之夫人也至
 乎列國則曰夫人姜氏至自齊又曰紀伯姬卒書國稱姓所曰異
 乎天王后也由此攷之尊稱皇帝赫赫無二何待於魏乎尊稱皇
 后彰曰諡號何待於姓乎議者欲書魏者此曰為天皇之尊同於
 往古列國之君也或欲書姓者此曰為天皇之后同於往古之夫
 人也垂經典之大義異乎聖人之明制非所曰垂訓將來為萬世
 不易之式者也

晉書安平王字傳

臨終遺令 秦始皇八年

有魏貞士河南溫縣司馬孚字叔達不伊不周不夷不惠立身行
 道終始若一當曰素棺單槨斂曰時服

晉書安平王字傳

下邳王晃

晃字子明字第五子魏封武始亭侯拜黃門侍郎改封西安男

出爲東莞太守。武帝受禪，封下邳王，就國。後爲長水校尉、南中郎將，拜尙書，遷右僕射。太康中，出爲鎮東將軍、都督青徐諸軍事。惠帝卽位，徵拜車騎將軍，加散騎常侍，領護軍，守尙書令。代隴西王泰爲司空，加侍中。元康六年薨，諡曰獻王。

奏廢楊太后

皇太后與駿潛謀欲危社稷，不可復奉承宗廟，配合先帝，宜貶尊

號廢詣金墉城。

晉書武悼楊后傳

河間王顥

顥，字文載，孚孫。初襲父瓌爵爲太原王。咸寧三年，改封河間王。元康初，爲北中郎將，監鄴城，尋遷平西將軍，鎮關中。趙王倫誅進侍中、太尉，尋舉兵討齊王冏，冏敗，復攻長沙王乂，及乂死，已爲太宰、大都督，雍州牧，尋劫遷車駕，爲東海王越等所敗，逃入太白山。永嘉初，徵爲司徒。南陽王模遣將殺之。

矯詔討劉輿

得豫州刺史劉喬檄稱潁川太守劉輿迫脅驃騎將軍范陽王虓距逆詔命多樹私黨造構凶逆擅劫郡縣合聚兵眾輿兄弟昔因趙王婚親擅弄權勢凶狡無道久應誅夷日遇赦令得全首領小人不可爲惡日滋輒用苟除爲兗州斷截王命鎮南大將軍荊州刺史劉弘平南將軍彭城王繹征東大將軍準其各勒所領徑會許昌與喬并力今遣右將軍張方爲大都督統精卒十萬督建武將軍呂昝廣武將軍騫繼建威將軍陽平太守刁默率步騎十萬爲軍前鋒同會許昌日除輿兄弟敢有舉兵距違王命誅及五族能殺輿兄弟送首者封三千戶縣侯賜絹五千匹

云云又見劉輿傳日爲河間王顯矯詔

表廢齊王囧

王室多故禍難罔已大司馬囧雖唱義有興復皇位之功而定都

邑克靈社稷實成都王之勳力也。而固不能固守臣節。實協異望。在許昌營有東西掖門。官置治書侍御史長史司馬。直立左右。如侍臣之儀。京城大清。篡逆誅夷。而率百萬之眾。來繞洛城。阻兵徑年。不一朝覲。百官拜伏。晏然南面。壞樂官市署。用自增廣。輒取武庫祕杖。嚴列不解。故東萊王粲知其逆節。表陳事狀。而見誣陷。加罪黜徙。曰樹私黨。僭立官屬。幸妻嬖妾。名號比之中宮。沈湎酒色。不恤羣黎。董艾放縱。無所畏忌。中丞按奏。而取退免。張偉愾恟。擁停詔可。葛旗小豎。維持國命。操弄王爵。貨賂公行。羣姦聚黨。擅斷殺生。密署腹心。實爲貨謀。斥罪忠良。伺窺神器。臣受重任。蕃衛方嶽。見固所行。實懷激憤。即日竄軍校尉李含。乘驛密室。宣騰詔旨。臣伏讀感切。五情若灼。春秋之義。君親無將。固擁彊兵。樹置私黨。權官要職。莫非腹心。雖復重責之誅。恐不義服。今輒勒兵。精卒十萬。與州征。並協忠義。共會洛陽。驃騎將軍長沙王乂。同奮忠誠。廢

固還策有不順命軍法從事成都王穎明德茂親功高勳重往歲
去就允合眾望宜為宰輔代固阿衡之任晉書齊王固傳胡平校尉李含奔於長安詐云受密詔使河間王顒誅固因尋自刺謀顒從之上表云云

竟陵王楙

楙字孔偉字孫初封樂陵亭侯參相國軍事武帝受禪封東平
王入為散騎常侍尚書惠帝時遷大鴻臚加侍中趙王倫篡位
召為衛將軍都督諸軍事倫誅坐免齊王固輔政舉為平東將
軍都督徐州軍事鎮下邳成都王穎輔政進衛將軍遷車騎將
軍懷帝即位改封竟陵王拜光祿大夫洛陽陷為亂兵所殺

上言王昌求為前母服

王昌父志本居長沙有妻息漢末使入中國值吳叛仕魏為黃門
郎與前妻息死生隔絕更娶昌母今江表一統聞前母久喪言疾
求平議晉書禮志中大康元年東平王楙上言云云案言疾二字有脫誤通典八十九載此事云後漢末長沙人王志上

計至京師值吳勳分兩比必妻子在吳身留中國為魏黃門郎更娶
妻生昌及武志卒後昌為東平相至晉太康元年吳平時志前妻
已卒昌聞喪求去官行
服東平王琳上臺評議

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷十四終

全晉文卷十五

烏程嚴可均校輯

東海王越

越字元超。宣帝弟魏魯相東武城侯植之孫。父高密王泰。初爲隴西王。立爲世子。拜騎都尉。遷散騎侍郎。惠帝初。歷左衛將軍。加侍中。遷散騎常侍。輔國將軍。尙書右僕射。領游擊將軍。復爲侍中。加奉車都尉。封東海王。永康初。爲中書令。徙侍中。太安初。遷司空。領中書監。加守尙書令。永興初。爲大都督。討粲。曰蕩陰之敗。出奔下邳。惠帝西幸。曰爲太傅。不受。尋曰司空。領徐州都督。唱義奉迎。大駕光熙初。曰太傅。錄尙書事。永嘉初。出鎮許昌。尋領兗州牧。都督兗豫司冀幽并六州。移鎮鄆城。進司徒。曰禦。劉聰入保京城。尋出軍東屯於項。加九錫。自領豫州牧。薨。諡曰孝獻王。軍沒於賊。追貶爲縣王。

教世子毗

夫學之所益者淺體之所安者深閑習禮度不如式瞻儀型諷味

遺言不若親承音旨王參軍人倫之表汝其師之世說實譽篇東

王安期為記室參軍雅相知重救世子毗云云或曰王趙鄒三參

軍人倫之表汝其師之謂安期鄒伯道趙穆也袁宏作名士傳直

云王參軍或云趙家先猶有此本又

見文選齊竟陵王行狀注引晉中興書與趙穆王承阮瞻鄧攸謝鯤等書

禮年八歲出就外傅明始可目加師訓之則十年曰幼學明可目

漸先王之教也然學之所受者淺體之所安者深是日閑習禮度

不如式瞻軌儀諷味遺言不如親承辭旨小兒毗既無令淑之質

不聞道德之風欲屈諸君時日閑豫周旋燕誨也世說賞譽篇注

又見晉書阮瞻傳

承制起陳敏書將軍建謀當國則有大漕之勳及遭冰昌之亂則首率義徒日寡

敵眾外無疆兵之援，內無運籌之侶，隻身挺立，雄略從橫，摧奇謀於馬首，奮靈計於臨危。金聲振於江外，精光赫於揚楚。攻堅陷險，三十餘戰，師徒無虧，勅敵自滅。五州復全，芟茅入貢。豈非將軍之功力哉！今羯賊屯結，遊魂河濟。鼠伏雉窟，藏匿陳畱。始欲姦盜，終圖不軌。將軍孫吳之術，既明已試之功。先著孤與將軍情分，特隆想割草土之哀，抑難居之思。捨經執戈，來卹國難。天子遠巡，鑾輿未反。引領東眷，有懷山陵。當憑將軍勩力，王輅有旌。將軍率將所領，承書風發，米布軍資，惟將軍所運。

晉書陳敏傳

與江統書

昔王子師作豫州，未下車，辟荀慈明，下車辟孔文舉。貴州人士，有堪應此求者，不知君舉高平，郗道微爲賢良。陳畱阮宣子爲直言。濟北程弘叔爲方正，皆於時選爲允。御覽二百六十三引江家傳。又晉書江統傳有前五句。檄方鎮兵討石勒。

皇綱失御。社稷多難。孤臣弱才。備當大任。自頃胡寇內逼。偏裨失利。帝鄉便爲戎州。冠帶奄成。殊域朝廷上下。臣爲憂懼。皆由諸侯蹉跎。遂及此難。投袂忘履。計之已晚。人情奉本。莫不義奮。當須合會之眾。臣俟戰守之備。宗廟主上。相賴匡救。檄至之日。便望風奮發。忠臣戰士。效誠之秋也。晉書東海王越傳

范陽王虓

虓字武會。宣帝弟。虓之孫。咸寧五年。嗣父綏爲范陽王。臣宗室。選拜散騎常侍。累遷尙書。惠帝時。出爲安南將軍。都督豫州諸軍事。持節鎮許昌。進位征南將軍。永興初。爲都督河北諸軍事。驃騎將軍。持節領豫州刺史。王浚又表領冀州刺史。光熙元年。臣迎大駕。功拜司空。尋薨。案本傳作司徒。惠紀作司空。常有一誤。

上表言河間王顒等宜委任如舊

自愍懷被害。皇儲不建。委重前相。輒失臣節。是日前年太宰與臣

永惟社稷之貳不可久空所已其成成都王穎已爲國副受重之後而弗克負荷小人勿用而己爲腹心骨肉宜敦而猜佻荐至險誠宜遠而讒說殄行此皆臣等不聰不明失所宗賴遂令陛下謬於降授雖戮臣等不足已謝天下今大駕還宮文武空曠制度荒破靡有孑遺臣等雖劣足匡王室而道路之言謂張方與臣等不同既惜所在興異又曰太宰惇德允元著於具瞻每當義節輒爲社稷宗盟之先張方受其指教爲國效節昔年之舉有死無貳此卽太宰之良將陛下之忠臣但已受性強毅不達變通遂守前志已致紛紜然退思惟既是其不易之節且慮事翻之後爲天下所罪故不卽西還耳原其本事實無深責臣聞先代明主未嘗不全護功名今福流子孫自中間已來陛下功臣初無全者非獨人才皆劣其於取禍實由朝廷策之失宜不相容恕一旦之咎喪其積年之勳既違周禮議功之典且使天下之人莫敢復爲陛下致

節者臣等此言豈獨爲一張方實爲社稷遠計欲令功臣長守富貴臣愚曰爲宜委太宰曰關右之任一事方重及自州郡曰下選舉授任一皆仰成若朝之大事廢興損益每輒疇諮此則二伯述職周召分陝之義陛下復行於今時遣方還郡令羣后申志時定王室如加方官請悉如舊此則忠臣義士有勸功臣必全矣司徒戎異姓之賢司空越公族之望竝忠國愛主小心翼翼宜幹機事委曰朝政安北將軍王浚佐命之將率身履道忠亮清正遠近所推如今日之大舉實有定社稷之勳此是臣等所曰嘆息歸高也浚宜特崇重之曰副羣望遂撫幽朔長爲北藩臣等竭力扞城藩屏皇家陛下垂拱而四海自正則四祖之業必隆於今日月之暉昧而復曜乞垂三思察臣所言又可曰臣表西示太宰

東平王楙鎮東將軍周馥等上言案篇未云可曰臣表西示太宰則此篇是表也

晉書范陽王虓傳與

又上表理成都王穎

成都王失道爲姦邪所誤論王之身不宜深責且先帝遺體陛下
羣弟自元康已來罪戾相尋實海內所爲何何而臣等所已痛心
今廢成都更封一邑宜其必許若廢黜尋有禍害既傷陛下矜慈
之恩又令遠近恆謂公族無復骨肉之情此實臣等內省悲慙無
顏於四海也乞陛下察臣忠款

晉書范陽王斌傳

彭城王絃

絃字律德宣帝弟虓之玄孫初爲高密王據嗣至彭城王雄坐
奔蘇峻伏誅更入繼本宗拜國子祭酒加散騎常侍遷大宗正
祕書監呂風疾更拜光祿大夫領大宗師疾甚解職咸康八年
薨贈散騎常侍金紫光祿大夫有集二卷

上言宜敕作樂賢堂佛像頌

樂賢堂有先帝手畫佛像經歷寇難而此堂猶存宜敕作頌

御覽六百

五十七引晉書帝下其議曰蔡謨言遂廢又見晉書蔡謨傳

諱王承

承字敬才。宣帝弟魏中郎進之孫。拜奉車都尉。奉朝請。稍遷庶
威將軍。安夷護軍。鎮安定。惠帝末。拜游擊將軍。永嘉中。避亂渡
江。元帝鎮揚州。召爲軍諮祭酒。愍帝徵爲龍驤將軍。不行。元帝
爲晉王承制。嗣父遜爲譙王。太興初。拜屯騎校尉。加輔國將軍。
領左軍將軍。加散騎常侍。尋出監湘州諸軍事。南中郎將。湘州
刺史。爲王敦將魏乂等所攻。城陷。荆州刺史王廙承敦旨殺之。
敦平。追贈車騎將軍。諡曰閔。

答安南將軍甘卓書

季思足下。勞於王事。天綱暫圯。中原丘墟。四海義士。方謀剋復。中
興江左。草創始爾。豈圖惡逆萌自寵臣。吾日闇短。託宗皇屬。仰豫
密命。作鎮南夏。親奉中詔。成規在心。伯仁諸賢。扼腕岐路。至止尙
淺。凡百茫然。豺狼易驚。遂肆醜毒。聞知駭踊。神氣衝越。子來之儀。

人思自百不命而至散過數千誠足已決一旦之機據山海之積
矣然迫於倉卒舟楫未備魏又李恆尋見圍逼是故事與意違志
力未展猥辱來使深同大趣嘉謀英算發自深衷執讀周復欣無
已景足下若能卷甲電赴猶或有濟若有狐疑求我枯魚之肆矣
兵聞拙速未觀工遲季思足下勉之勉之書不盡意絕筆而已晉書

譙王承傳

譙王無忌

無忌字公壽承子嗣封譙王咸和中拜散騎侍郎累遷屯騎校
尉中書黃門侍郎建元初遷散騎常侍轉御史中丞出為輔國
將軍長沙相又領江夏相尋轉南郡河東二郡太守已從平蜀
功進前將軍永和六年薨贈衛將軍諡曰烈王有集九卷

圓竹扇賦

止若垂棘曜匣遊若羲和朝征靜無為而虛寂動感通而風生書鈔

一百三十四

京兆府君遷主議

諸儒謂太王王季遷主藏於文武之祧如此府君遷主宜在宣皇帝廟中然今無寢室宜變通而改築又殷祫太廟征西東面宋書禮志

王允之表郡與祖名同乞改授議

春秋之義不曰家事辭王事是上之行乎下也夫君命之重固不

得崇其私又國之典憲亦無曰祖名辭命之制也通典一百四歲

允之為衛將軍會稽內史允之表郡與祖會名同乞改授詔曰祖諱孰若君命之重邪下八座詳之給事黃門侍郎譙王無忌議曰

譙王恬

恬字元愉無忌子嗣封譙王拜散騎侍郎累遷散騎常侍黃門

郎御史中丞簡文即位遷右衛將軍司雍秦梁四州大中正拜

尚書轉侍中，領右衛將軍，補吳國內史。又領太子詹事。孝武時，復爲御史中丞，拜都督兗青冀幽并揚州之晉陵徐州之南北郡軍事，領鎮北將軍，假節，兗青二州刺史。太元十五年薨，贈車騎將軍，諡曰敬王。

喪遇閏議

夫閏非正數，故附前月爲稱。至於月也，豈得爲一？臣請曰：宿度論之，閏所附月盡之夕，靈猶見乎？又閏之初，豈不始魄？曰：茲言之，可不爲兩月邪？天無是月，正數耳，非無此月也。若用閏，則虧二十五月之大斷，失周忌之正典，出於祥月，非卜遠日之謂。二三無據，義實致疑，愚謂正周而除於禮，爲允。通典一百御史中丞譙王恬議

譙王尚之

尚之字伯道，恬子，爲祕書郎，遷散騎侍郎，出爲振威將軍，廣陵相，尋嗣封譙王，爲驃騎諮議參軍，討王恭功，拜建威將軍，豫

州刺史假節尋進號前將軍討桓玄兵潰被擒斬於建康市安
帝反正追贈衛將軍諡曰忠王

與張新安論孔釋書

佛教曰罪福因果有若影響聖言明審令人寒心然自上古帝皇
文武孔周典謨訓誥靡不周備未有述三世顯敘報應者也被眾
聖皆窮理盡性照曉物緣何得忍視陷溺莫肯援接曾無一言示
其津逕且鈞而不綱弋不射宿博碩肥腩上帝是享曰此觀之蓋
所難了想二子揚摧而陳使割然有證祛其惑焉弘明集
十二

司馬休之

休之字季預尚之弟曰討王恭功拜龍驤將軍襄城太守鎮歷
陽爲桓玄所敗奔於慕容超聞義兵起南歸武陵王遵承制曰
爲荊州刺史鎮江陵復爲桓振所敗徵拜後將軍會稽內史盧
循入寇加督浙江東五郡軍事坐事免及劉毅誅復爲都督荆

雍梁陳靈益六州軍事平西將軍荊州刺史假節與雍州刺史魯宗之謀討劉裕為裕所敗奔於姚興興死依姚泓泓滅將奔於魏末至道死

上表謝罪

文思不能聿修自詆罪戾憂懼震惶愧交集臣御家無方威訓不振致使子姪愆法仰負聖朝悚赧兼懷胡顏自處請解所任歸

罪闕庭

晉書司馬休之傳曰兄子文思為亂上疏謝

案宋晉武

帝紀中休之上表自陳云裕遠送文思臣願其此自表送章飾則曰此疏為表今從之

上表自陳

臣聞運不常一治亂代有陽九既謝圯終則秦昔篡臣肆逆皇綱絕紐十世未改鼎祚再隆太尉臣裕威武明斷首建義旗除蕩元凶皇后反正布衣匹夫匡復社稷南剿盧循北定廣固千載以來功無與等由是四海歸美朝野推崇既位窮台枚權傾人主不能

日道處功恃寵驕溢。自日酬賞既極。便情在無上。刑戮逆濫。政用暴苛。問鼎之迹。日彰。人臣之禮。頓缺。陛下四時膳御。觸事懸空。宮省供奉。十不一在。皇后寢疾之際。湯藥不周。手與家書。多所求告。皆是朝士共所聞見。莫不傷懷憤歎。口不敢言。前揚州刺史元顯。第五息法興。桓玄之釁。逃遠於外。王路既開。始得歸本。太傅之片。絕而復興。凡在有懷。誰不感慶。裕吞噬之心。不避輕重。日法興聰敏明慧。必爲民望所歸。芳蘭既茂。內懷憎惡。乃妄扇異言。無罪卽戮。大司馬臣德文及王妃公主。情許切逼。竝須狼請命。逆肆禍毒。誓不矜許。冤酷之痛。感動行路。自日地卑位重。荷恩崇大。乃日庶孽。與德文媾婚。致茲非偶。實由威逼。故衛將軍劉毅。右將軍劉藩。前將軍諸葛長民。尙書僕射謝混。南蠻校尉郗僧施。或盛動德胤。令望在身。皆社稷輔弼。協贊所寄。無罪無辜。一旦夷滅。猜忍之性。終古所希。臣自惟門戶。衰破。賴之獲存。皇家所重。終古難匹。是

曰公私歸馮事盡祇順再授荊州輒苦陳告自己才弱位隆不宜
久荷分陝屢求解任必不見聽前經攝侍老母半家俱西凡諸子
姪悉畱京輦臣兄子譙王文思雖年少常人粗免咎悔性好交遊
未知防遠羣醜交構爲其風聲裕遂翦戮人士遠送文思臣順其
此旨表送章節請廢文思改襲大宗遣息文寶送女東歸自謂推
誠奉順理不過此豈意裕苞藏禍心遂見討伐加惡文思構生罪
釁羣小之言遠近噂喏而臣純愚闇信必謂不然尋臣府司馬張
茂度狼狽東歸南平太守檀範之復曰此月三日委郡叛逆尋有
審問東軍已上裕今此舉非有怨憎正曰臣王室之幹位居藩岳
時賢既盡唯臣獨存規曰翦滅成其篡殺鎮北將軍臣宗之青州
刺史臣敬宣竝是裕所深忌憚欲曰次除蕩然後傾移天日於事
可易今荆雍義徒不召而集子來之眾其會如林豈臣無德所能
綏致蓋七廟之靈理貫幽顯輒授文思振武將軍南郡太守宗之

子竟陵太守魯軌進號輔國將軍。臣今與宗之親御大眾，出據江
津，案甲抗威，隨宜應赴。今絳旗所指，唯裕兄弟父子而已。須剋蕩
寇逆，尋績馳聞。由臣輕弱，致裕凌橫。上慚俯愧，無日厝顏。宋書武
義熙十一年收休之子文寶兄子文祖並
於獄賜死率眾軍西討休之上表自陳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷十五終

全晉文卷十六

烏程嚴可均校輯

司馬彪

彪字紹統宣帝從子高陽王睦之長子魏時拜騎都尉泰始中為祕書郎轉丞後拜散騎侍郎惠帝末卒有續漢書八十三卷

九州春秋十卷莊子注二十一卷戰路隋志作兵記二十卷集四卷

駁祀六宗表

臣曰為帝在于類則禋者非天山川屬望則海岱非宗宗猶包山則望何秩焉伏與欽遠失其義也六合之間非制典所及六宗之數非一位之名陰陽之說又非義也竝五緯曰為一分文昌曰為二箕畢既屬於辰風師雨師復特為位玄之失也安國案祭法為宗而除其天地於上遺其四方於下取其中曰為六宗四時寒暑日月眾星并水旱所宗者八非但六也傳曰山川之神則水旱厲

疫之災於是乎禁之。日月星辰之神，則雪霜風雨之不時，於是乎禁之。又曰：龍見而雩，如此禁者，祀日月星辰山川之名，雩者，周人四月祭天求雨之稱也。雪霜之災，非夫禁之所禳，雩祭之禮，非正月之所祈。周人之後，說有虞之典故於學者，未盡喻也。且類於上帝，卽禮天也。望於山川，禁所及也。案周禮云：昊天上帝，日月星辰，司中司命，風師雨師，社稷五祀，五嶽山林川澤四方百物。又曰：兆五帝於四郊，四類四望亦如之。無六宗之兆，祭法云：祭天祭地祭時祭寒暑日月星，祭水旱祭四方及山林川澤，丘陵能出雲爲風雨，見怪物，皆是有天下者，祭百神，非此族也。不在祀典，復無六宗之文。明六宗所禋，卽祭法之所及，周禮之所祀，卽虞書之所宗，不宜特復立六宗之祀也。春官大宗伯之職，掌玉作六器，曰禮天地四方，曰蒼璧禮天，曰黃琮禮地，曰青圭禮東方，曰赤璋禮南方，曰白琥禮西方，曰玄璜禮北方。天宗，日月星辰寒暑之屬也。地宗，社

稷五祀之屬也。四方之宗者，四時五帝之屬也。如此，則羣臣咸秩而無廢，百禮徧修而不瀆，於理爲通。續漢祭祀志中注：晉武帝初，司馬紹統表駁之云云。案晉書：司馬彪傳：秦始初，武帝親祠南郊，彪上疏定議，在郊祀志。今晉書無郊祀志，惟禮志上載彪二語，蓋本傳所指，乃善晉書也。

與山巨源書

根枝失據，託命此別，告求矜愍，許見賑恤，窮人易感，悲喜兼懷，承命之後，情過挾續。御覽四百八十六

續漢書敘

先王立史官，曰書時事，載善惡，曰爲沮勸，最教世之要也。是曰春秋，不修則仲尼理之。關雎既亂，則師摯修之。前哲豈好煩哉？蓋不得已故也。漢氏中興，訖於建安，忠臣義士，亦曰昭著，而時無良史，記述煩雜，譙周雖已刪除，然猶未盡。安順已下，亡缺者多。彪乃討論眾書，綴其所聞，起於世祖，終於孝獻，編年二百，錄世十二，通綜上下，芻蕘庶事，爲紀志傳凡八十篇，號曰續漢書。晉書司馬彪傳

續漢書光武紀論

案御覽
泥作捉
旅田作
廣思
莽下脫之
篆三字

昔羿泥篡夏數十年少康生為仍收正能修德復夏厥勳大矣然
尚有旅田及靡有鬲内外之助至於光武承王莽起自匹庶一民
尺土靡有憑焉發迹於昆陽已數千層百萬非膽智之主孰能堪
之討賊平亂克復炎漢號稱中興者無已加之矣中國既定柔遠
已德愛慎人命下及徭役武功既備抗文德修經術勳績宏矣御覽

十九

和帝紀論

孝和年十四能折外戚驕橫之權即昭帝斃上官之類矣朝政遂
一民安職業勤恤本務苑囿希幸遠夷稽服四域開泰郡國言符
瑞八千餘品咸懼虛妄抑而不宣云爾御覽九十一

新野王歆

歆字弘舒扶風王駿子太康中封新野縣公趙王倫篡位已為

南中郎將尋從齊王囿舉義。曰功進封新野郡王。遷使持節都督荊州諸軍事。鎮南大將軍。開府儀同三司。鎮襄陽。太安元年。張昌反。遇害。追贈驃騎將軍。諡曰莊王。

上言張昌反狀

妖賊張昌劉尼。妄稱神聖。犬羊萬計。絳頭毛面。挑刀走戟。其鋒不可當。請臺敕諸軍三道救助。晉書張昌傳

汝南王亮

亮字子翼。宣帝第四子。仕魏。爲散騎侍郎。封萬歲亭侯。拜東中郎將。進封廣陽鄉侯。免。尋拜左將軍。加散騎常侍。假節。監豫州軍事。五等建。改封祿陽伯。轉鎮西將軍。武帝受禪。封扶風郡王。持節都督關中雍涼諸軍事。坐事貶爲平西將軍。免。尋拜撫軍將軍。延熈初。進衛將軍。加侍中。三年。徙封汝南王。出爲鎮南大將軍。都督豫州諸軍事。開府。尋徵爲侍中。撫軍大將軍。領後軍。

將軍遷太尉錄尚書事領太子太傅武帝寢疾曰爲大司馬大
都督督豫州諸軍事出鎮許昌元康初徵爲太宰與太保衛瓘
輔政賈后矯詔使楚王瑋殺之瑋誅追復爵位諡曰文成王

日蝕上言

三司之任天地人也乾道不普故水旱爲災人倫失敘故奸兇不
禁乃者荊州之城妖菑仍興任城國都水流變赤近三朝之始日
有蝕之孟陽節過堅冰未消臣等瑣才叨據高位可謂小人而乘
君子之器宜就顯戮曰答天意謹免冠徒跣上所假章綬北堂書
引晉八王故事太康七年正月旦日蝕詔公卿大臣各上封事其
咎安在汝南王亮與司徒舒司空璿上言詔使冠履勿復通表
奏議刑法

夫禮曰訓世而法曰整俗理化之本事實由之若斷不斷常隨輕
重意則王憲不一人無所錯矣故觀人設教在上之舉守文直法
臣吏之節也臣曰去太康八年隨事異議周懸象魏之書漢詠書

一之法誠曰法與時共義不可二合法素定而法為議則有所開
長曰為宜如頌所啟為永久之制晉書刑法志劉頌為三公尚書
又上疏云云詔下其事太宰汝

南王亮奏

琅邪王仙

仙字子將宣帝第五子魏時封南安亭侯進東武鄉侯五等建
封南皮伯武帝受禪封東莞郡王出為鎮東大將軍假節徐州
諸軍事改封琅邪王平吳後并督青州加侍中進大將軍薨諡
曰武王

表山簡

從事中郎缺用第三品中散大夫河內山簡清精履正才識通濟
品儀第三也書鈔六十八引鎮東大將軍司馬仙表

梁王彤

彤字子微宣帝第八子魏時封平樂亭侯五等建改封開平子

武帝受禪封梁王除北中郎將督鄴城守事太康中代孔洵監
豫州軍事加平東將軍鎮許昌尋代下邳王晃監青州軍事
進號安東將軍元康初轉征西將軍代秦王東都督關中軍事
領護西戎校尉加侍中進督梁州徵爲衛將軍錄尚書事行太
子太保復爲征西大將軍代趙王倫都督涼雍諸軍事屯好畤
徵拜大將軍尚書令領軍將軍錄尚書事永康初進太宰守尚
書令趙王倫篡位曰爲阿衡倫誅復爲太宰領司徒代高密王
泰爲宗師薨諡曰靈王改諡曰孝王

理馬敦疏

敦固守孤城獨當窮寇曰少禦眾載離寒暑臨危奮節保穀全城
而雍州從事忌敦勳効極推小疵非所宜褒獎元功宜解敦禁効

假授

文選潘岳
馬汧督誅

趙王倫

倫字子彝宣帝第九子魏嘉平初封安樂亭侯五等建改封東安子拜諫議大夫武帝受禪封琅邪郡王行東中郎將宣威將軍咸寧中改封趙王遷平北將軍鎮鄴城進安北將軍元康初遷征西將軍鎮關中徵拜車騎將軍太子太傅領右軍將軍永康初自爲使持節大都督中外諸軍事相國加九錫永寧元年遷惠帝於金墉城改元建始篡位四月齊王冏等舉義迎帝反正賜死

矯詔廢賈后

中宮與賈謐等殺吾太子今使車騎入廢中宮汝等皆當從命賜爵關中侯不從誅三族

晉書趙王倫傳永康元年四月矯詔殺三部司馬

迎惠帝復位詔

吾爲孫秀等所誤自怒三王今已誅秀其迎太上復位吾歸老于

農畝

晉書趙王倫傳王與曰營兵七百餘人屯雲龍門使倫爲詔

齊王攸

攸字大猷，小字桃符，文帝第二子。出嗣景帝後，曰從征王。凌功封長樂亭侯，後襲景帝爵武陽侯。歷散騎常侍、步兵校尉、五等建，改封安昌侯。遷衛將軍，武帝受禪，封齊王。遷驃騎將軍，開府儀同三司，轉鎮軍大將軍，加侍中，行太子少傅。咸寧二年，代賈充為司空。太康三年，遷大司馬、都督青州諸軍事。明年，遣就國。臨行，歐血死，諡曰獻王。

下齊國相令

忝受恩禮，不稱惟憂。至於官人敘才，皆朝廷之事，非國所宜裁也。其令自上請之。晉書齊王攸傳國州上長史

下教諸吏慎刑

夫先王馭世，明罰敕法，鞭朴作教，曰正。道慢且唐虞之朝，猶須督責。前欲撰次其事，使粗有常懼，煩簡之宜，未審其要，故令劉程二

君詳定然思惟之鄭鑄刑書叔向不違范宣議制仲尼譏之令皆如舊無所增損其常節度所不及者隨事處決諸吏各竭乃心思同在公古人之節如有所闕曰賴股肱匡佐之規庶曰免負晉書齊王

傳

藩王自選長史議

昔聖王封建萬國曰親諸侯軌跡相承莫之能改誠曰君不世居則人心偷幸人無常主則風俗偽薄是曰先帝深覽經遠之統思復先哲之軌分土畫疆建爵五等或曰進德或曰酬功伏惟陛下應期創業樹建親戚聽使藩國自除長吏而今草創制度初立雖庸蜀順軌吳猶未賓宜俟清泰乃議復古之制晉書文六王齊王

自選國內長史
故奏議報不許

王昌前母服議

禮記生不及祖父母諸父昆弟而父稅喪已則否諸儒皆曰為父

曰他故子生異域不及此親存時歸見之父雖追服子不從稅不責非時之恩也但不相見尙不服其先終而況前母非親所生義不踰祖莫往莫來恩絕殊隔而合追服殆非稱情立文之謂也曰

爲昌不宜追服

晉書禮志中

案王昌

事詳前竟陵王撫文

節省議

臣聞先王之教莫不先正其本務農重本國之大綱當今方隅清穆武夫釋甲廣分休假曰就農業然守相不能勤心恤公曰盡地利昔漢宣嘆曰與朕理天下者惟良二千石乎勤加賞罰黜陟幽明於時翕然用多名守計今地有餘羨而不農者眾加附業之人復有虛假通天下之謀則饑者必不少矣今宜嚴敕州郡檢諸虛詐害農之事督實南畝上下同奉所務則天下之穀可復古政豈患於暫一水旱使憂饑餒哉考績黜陟畢使嚴明畏威懷惠莫不自厲又都邑之內游食滋多巧技末業服飾奢麗富人兼羨猶有

魏之遺弊染化日淺靡財害穀動復萬計宜申明舊法必禁絕之
使去奢節儉不奪農時畢力稼穡已實倉廩則榮辱禮節由之而
生興化反本於茲為盛晉書齊王攸傳詔曰比年饑饉議所節省彼奏議云云

與山濤書

太子中庶子東宮顯職加侍接左右誠宜得篤粹有行檢之人想

悉尊意必允眾望也藝文類聚四十九御覽二百四十五

洗馬今之清選前後選文書才義也書鈔六十六

武長嗣篤敏有器思今東宮洗馬缺同上

太子舍人夏后湛秉心居正理識明徵應可郎也書鈔一百六十一

舍人今之清選也書鈔六十六

書

故惶恐頓首頓首望近未得諮承已為委積比已秋風不審尊體
何如冀行得稟受頓首頓首潛化閣帖三

太子箴

伊昔上皇建國立君仰觀天文俯察地理創業恢道曰安人承祀
 祚延統重故援立太子尊曰弘道固曰貳己儲德既立邦有所恃
 夫親仁者功成邇佞者國傾故保相之材必擇賢明昔在周成旦
 奭作傅外曰明德自輔內曰親親立固德曰義濟親則自然羸廢
 公族其崩如山劉建子弟漢祚永傳楚曰無極作亂宋曰伊戾興
 難張禹佞給卒危強漢輔弼不忠禍及乃躬匪徒乃躬乃喪乃邦
 無曰父子不間昔有江充無曰至親匪貳或容潘崇諛言亂眞譖
 潤離親驪姬之讒晉侯疑申固親曰道勿固曰恩脩身曰敬勿託
 曰尊自損者有餘自益者彌昏庶事不可曰不恤大本不可曰不
 敦見亡戒危觀安思存家子司義敢告在閭晉書齊王攸傳又
 魏文類聚四十八

齊王閣

閼字景治攸子太康四年襲封齊王元康中拜散騎常侍領左

軍將軍翊軍校尉永康視轉游擊將軍出爲平東將軍假節鎮許昌趙王倫篡位首舉義兵與成都河間常山新野四王迎惠帝反正拜大司馬加九錫輔政長沙王乂等發兵攻之戰敗斬於閭闔門外永嘉中追諡曰武閔王

上表理淮南王允

故淮南王允忠孝篤誠憂國忘身討亂奮發幾於剋捷遭天凶運奄至隕歿逆黨遺惡并害三子冤魂酷毒莫不悲酸泊興義兵淮南國人自相率領眾過萬人懷愴愍愍國統滅絕發言流涕臣輒已息超繼允後已慰存亡

晉書武十三王淮南王允傳

表立清河王覃爲皇太子

東宮曠然冢嗣莫繼天下大業帝王神器必建儲嗣已固洪基今者後宮未有孕育不可庶幸將來而虛天緒非祖宗之遺志社稷之長計也禮兄弟之子猶子故漢成無嗣繼由定陶孝和之絕安

曰紹興此先王之令典往代之成式也清河王覃神姿岐嶷慧智
早成康王正妃周氏所生先帝眾孫之中於今爲嫡昔薄姬賢明
文則承位覃外祖恢世載名德覃宜奉宗廟之重統無窮之祚曰
寧四海顛顛之望覃兄弟雖並出紹可簡令淑還曰國胤不替其
嗣輒諮大將軍穎及羣公卿士咸同大願請具禮儀擇日迎拜

武十三王清

河王遐傳

奏理張華裴頠解系等

臣聞興微繼絕聖主之高政貶惡嘉善春秋之美談是曰武王封
比干之墓表商容之間誠幽明之故有曰相通也孫秀逆亂滅佐
命之國誅骨鯁之臣曰斲喪王室肆其虐戾功臣之後多見泯滅
至如張華裴頠各曰見憚取誅於時解系解結同曰羔羊並被其
害歐陽建等無罪而死百姓憐之今陛下更日月之光照布惟新
之明命然此等諸族未蒙恩理昔纒御降在阜隸而春秋傳其違

幽王絕功臣之後，棄賢者子孫，而詩人曰爲刺。臣備忝右職，思竭股肱，獻納愚誠，若合聖意，可合羣官通議。

晉書張華傳
又見解系傳

奏劾王豹

臣忿奸凶肆逆，皇祚顛墜，與成都長沙新野共興義兵，安復社稷，唯欲戮力皇家，與親親宗室，腹心從事。此臣夙夜自誓，無負神明。而主簿王豹，比有白事，敢造異端，謂臣忝備宰相，必避危害。慮在一旦，不祥之聲，可躋足而待。欲臣與成都分陝爲伯，盡出蕃王，上誣聖朝鑒御之威，下長妖惑疑阻，置心噂噎，背憎巧賣兩端，誣上誣下，讒內間外，造惡導奸，坐生猜嫌。昔孔丘匡魯，乃誅少正，子產相鄭，先戮鄧析，誠曰交亂名實，若趙高詭怪之類也。豹爲臣不忠，不順不義，輒救都街考竟，曰明邪正。

晉書忠義
王豹傳

答鄭方

孤不能致五闕，若無子，則不問其過矣。

晉書齊王
開傳附

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷十七

烏程嚴可均校輯

西陽王業

業字延年，攸第三子。太康末，封西陽縣公。拜散騎常侍。元康初，進爵為王。歷步兵校尉、左軍驍騎將軍。永康初，進封郡王。永興初，拜侍中，坐長沙王乂廢為庶人，尋為撫軍將軍。永嘉初，拜鎮軍將軍，加散騎常侍，領後軍將軍，尋渡江。元帝承制，更拜撫軍大將軍，開府。及即晉王位，進侍中、太保、大興。初，錄尚書事，領大宗師。永昌初，進太宰，後領太尉。咸和初，免官，降為弋陽縣王。蘇峻矯詔復爵位，峻平，賜死。

上書

朱旗南指，自相夷戮。

文選上選與陳伯之書注引虞預晉書

議溫矯不應辭職

太宰西陽王羨司徒臨穎公組驃騎將軍卽三子導侍中紀瞻尚書周顓散騎常侍荀邃等議曰昔伍員挾弓去楚爲吳行人曰謀楚誠志在報讎不苟滅身也溫嶠遭難昔在河朔日尋干戈志刷雠惡萬里投身歸赴朝廷將欲因時竭力憑賴王威日展其情此乃矯之志也無緣道路未通師旅未進而更中辭王事留志家巷也曰爲誠宜如明詔

晉書禮志中案溫嶠傳有三公八坐議與此意同而文全異今已彼篇入闕名類

楚王瑋

瑋字彥度武帝第五子初封始平王歷屯騎校尉太康末徙封楚王出爲平南將軍都督荊州諸軍事轉鎮南將軍惠帝卽位徵爲衛將軍領北軍中候加侍中行太子少傅爲賈后所忌使殺汝南王亮衛瓘坐矯詔斬永寧元年追贈驃騎將軍諡曰隱王

矯詔免太宰汝南王亮太保衛瓘

二公潛謀欲危社稷今免還第官屬已下一無所問若不奉詔便軍法從事能率所領先出降者封侯受賞朕不食言晉書楚王瑋傳

天禍晉室因亂相仍間者楊駿之難實賴諸君剋平禍亂而二公潛圖不軌欲廢陛下已絕武帝之祀今輒奉詔免二公官吾今受詔都督中外諸軍諸在直衛者皆嚴加警備其在外營便相率領徑詣行府助順討逆天所福也懸賞開封日待忠效皇天后土實聞此言晉書楚王瑋傳

出令斬汝南王亮

能斬亮者賞布千匹晉書汝南王亮傳

長沙王乂

乂字士度武帝第六子案世說言語篇注引八王故事作第十七子太康十年封長沙王拜員外散騎常侍元康初坐楚王瑋罪貶為常山王趙王

倫篡位百匡復以拜撫軍大將軍領左軍將軍遷驃騎將軍開
府復封長沙王拜大都督東海王越廢之收送金甌城尋爲成
都王穎所殺諡曰厲王

被收時上表

陛下篤睦委臣朝事臣小心忠孝神祇所鑒諸王承謬率眾見責
朝臣無正各慮私圖收臣別省送臣幽宮臣不惜軀命但念大晉
衰微枝黨欲盡陛下孤危若臣死國寧亦家之利但恐快囚人之
志無益於陛下耳

晉書長沙王又傳

致成都王穎書

先帝應乾撫運統攝四海勤身苦己克成帝業六合清泰慶流子
孫孫秀作逆反易天常卿興義眾還復帝位齊王恃功肆行非法
上無宰相之心下無忠臣之行遂其讒惡離逃骨肉主上怨傷尋
已蕩除吾之與卿友十人同產皇室受封外都各不能聞敷王

教經濟遠略。今卿復與太尉共起大眾，阻兵百萬，重圍宮城，羣臣同忿，聊卽命將，示宣國威，未擬摧殄，自投溝澗，蕩平山谷，死者日萬，酷痛無罪，豈國恩之不慈，則用刑之有常。卿所遣陸機，不樂受卿節鉞，將其所領私通國家，想來逆者當前行一尺，卻行一丈，卿宜還鎮，目盭四海，令宗族無羞子孫之禍也。如其不然，念骨肉分裂之痛，故復遣書。

晉書長沙王又傳

成都王穎

穎字章度，武帝第十六子。

案世說言語篇注引八王故事作字叔度，世祖第十九子。

太康末

封成都王，後拜越騎校尉，加散騎常侍，爲賈謐所忌，出爲平北將軍，鎮鄴，轉鎮北大將軍，趙王倫篡位，日爲征北大將軍，開府儀同三司，尋舉義兵，日匡復功，進位大將軍，都督中外諸軍事，錄尚書事，加太子太傅，及齊王冏誅懸，執朝政，尋與河間王顒舉兵內逼，拜丞相，又廢太子，拜皇太弟，永興初，敗王師於蕩陰。

尋爲河間王顒所廢復拜鎮軍大將軍都督河北諸軍事范陽王焮幽之縊死

復長沙王又書

文景受圖武王乘運庶幾堯舜共康政道恩隆洪業本枝百世豈期骨肉豫禍后族專權楊賈縱毒齊趙內篡幸曰誅夷而未靜息每憂王室心悸肝爛羊玄之皇甫商等恃寵作禍能不興慨於是征西羽檄四海雲應本謂仁兄同其所懷便當內擒商等收級遠送如何迷惑自爲戎首上矯君詔下離愛弟推移輦轂妄動兵威還任豺狼棄戮親善行惡求福如何自勉前遣陸機董督節鉞雖黃橋之退而溫南收勝一彼一此未足增慶也今武士百萬良將銳猛要當與兄整頓海內若能從太尉之命斬商等首投戈退讓自求多福穎亦自歸鄴都與兄同之奉覽來告緬然慷慨慎哉大兄深思進退也

晉書長沙王又傳

吳王晏

晏字平度武帝子太康十年封吳王歷射聲校尉後軍將軍趙王倫貶爲賓徒縣王徙封代王倫誅復本封拜上軍大將軍開府加侍中永嘉中爲太尉大將軍洛陽陷遇害後二年第三子鄴卽愍帝入承大統追贈太保諡曰孝王一日敬王

荅郎中合陸雲令五首

令吾曰頑弱過蒙殊寵夙夜祇懼忝思先恩承風誠曰自錯厲得爾委曲省曰憮然意旣在儉約又欲奉遵法憲豈忘於心國自宜有宅城內求不可得官徒右軍來蹀覆此屋恐或不可久得側近宮掖故於國作宅不作觀望使如凡家法足止而已耳平量畫圖當往相示動靜曰聞陸雲集國起西園第表殿宜遵節儉之制王令

令中間表作舍先畫圖呈啟間數又五木林榭無他鏤飾示無乃越法奢靡古今無匹也間外啟作小樓北望河東公主園宅自不

為觀故便聽之耳。今行者歎息致朝野之譏邪。省奏具意救毀之

陸雲集西園第既成有司啟觀疏諫不可王命

令多喪故乃初未與羣官會同。比當請師友文學內外官屬也。陸雲

集王即位未見賓客羣臣又未講啟宜饗宴通客及引師友文學親書問道王命

令多病疾難已辭公事為自力風疾連動故未能用小差當如所

陳乞每識忠至之誠輒已存心。同上

令多不使不數朝覲幸恩詔見恕耳。五日當入朝也。陸雲集興駕

入朝王命

廢太子遜

遜字熙祖惠帝長子封廣陵王惠帝即位立為皇太子為賈后

所忌。呂元康九年廢為庶人幽於金墉城。明年更幽於許昌。賈

后矯詔殺之。越十日賈后廢死策諡曰愍懷。

遣王妃書

鄙雖頑愚，心念爲善，欲盡忠孝之節，無有惡逆之心。雖非中宮所生，奉事有如親母。自爲太子，已來，救見禁檢，不得見母。自宜城君亡，不見存恤，恆在空室中坐。去年十二月，道文疾病困篤，父子之情實相憐愍。於時表國家乞加徽號，不見聽許。疾病旣篤，爲之求請恩福，無有惡心。自道文病，中宮三遣左右來視云：天教呼汝到。二十八日暮，有短函來題言：東宮發疏云：言天教欲見汝，卽便作表求入。二十九日早，入見國家，須臾遣至中宮。中宮左右陳舞，見語中宮，且來吐不快，使住空屋中坐。須臾，中宮遣陳舞見語，問汝表陛下爲道文乞王，不得王，是成國耳。中宮遙呼陳舞：昨天教與太子酒棗，便持三升酒大盤棗來見，與使飲酒，噉盡。鄙素不飲酒，旣便遣舞，感說不堪。三升之意，中宮遙呼曰：汝常陛下前持酒，可喜。何日不飲？天與汝酒，當使道文差也。便答中宮：陛下會同一日見賜，故不敢辭。通日不飲三升酒也。且實未食，恐不堪。又未見

殿下飲此或至顛倒陳舞復傳語曰不孝那天與汝酒飲不肯飲
中有惡物耶遂可飲二升餘有一升求持還東宮飲盡逼迫不得
已更飲一升飲已體中荒迷不復自覺須臾有一小婢持封箱來
云詔使寫此文書鄙便驚起視之有一白紙一青紙催促云陛下
停待又小婢承福持筆硯墨黃紙來使寫急疾不容復視實不覺
紙上語輕重父母至親實不相疑事理如此實爲見誣想眾人見
明也晉書愍懷太子傳

武陵王遵

遵字茂遠元帝孫太元六年嗣父晞位爲新寧王十二年復封
本國爲武陵王歷散騎常侍祕書監太常中領軍桓玄用事拜
金紫光祿大夫玄篡位貶爲彭澤侯義兵起總統萬機加侍中
大將軍承制安帝反正拜太保義熙四年薨諡曰忠敬王
司馬休之爲荊州刺史令

前龍驤將軍休之才幹貞審功業既成。歷陽之戰事在機捷。及至勢乖力屈。奉身出奔。猶鳩集義徒。崎嶇險阻。既應親賢之舉。宜委分陝之重。可監荆益。梁寧秦雍六州軍事。領護南蠻校尉。荊州刺史假節。

晉書宗室
譙王傳

追贈會稽王道子爲丞相元顯爲太尉令

故太傅公阿衡二世契闊皇家親賢之重。地無與二。驃騎大將軍內總朝維。外宣威略。志蕩世難。曰寧國祚。天未靜亂。禍酷備鍾。悲動區宇。痛貫人鬼。感惟永往。心情崩隕。今皇祚反正。幽顯式敘。宜崇明國體。曰述舊典。便可追崇太傅爲丞相。加殊禮。一依安平獻王故事。追贈驃騎爲太尉。加羽葆鼓吹。丞相墳塋駢然。飄薄非所。須南道清通。便奉迎神柩。太尉宜便遷改。可下太史詳吉日定宅兆。

晉書簡文三王
會稽王道子傳

曰梁王珍之爲通直散騎郎令

梁王珍之理悟貞立蒙險違難撫義懷順載奔闕庭值壽陽擾亂
在危克固且可通直散騎郎

晉書元四王
梁王璉傳

下毛璩令

益州刺史毛璩忠誠愨亮自桓玄萌禍常思躡其後今若平殄兇
逆肅清荆郢者便當即授上流之任

晉書毛
璩傳

會稽王道子

道子字道子簡文帝第五子與孝武同母簡文臨崩封為琅邪
王太元初拜散騎常侍中軍將軍進驃騎將軍領司徒尋領徐
州刺史太子太傅復領揚州刺史封會稽王安帝即位進太傅
揚州牧解徐州後復解揚州司徒元興元年為桓玄所害玄敗
追贈丞相諡曰文孝王

世說言說篇
注作孝文王

有集八卷

命謁陵

今雖權制釋服至於朔望詣節自應展情陵所已一周為斷

宋書
禮志

二孝武崩驛騎將
軍司馬道子命

請徵戴遠疏

遠執操貞厲含味獨游羊在耆老清風彌劭東宮虛德式延事外

宜加旌命已參僚侍遠既重幽居之操必已難進為美宜下所在

備禮發遣晉書隱逸戴遠傳太元二十年皇太子始出東宮太子太傅會稽王道子少傅王雅詹事王珣上疏

請崇正文李太妃名號啟太元十九年

母已子貴慶厚禮崇伏惟皇太妃純德光大休祐攸鍾啟嘉祚於

聖明嗣徽音於上列雖幽顯同謀而稱謂未盡非所已仰述聖心

允答天人宜崇正名號詳案舊典晉書孝武文李太后傳

皇太子納妃啟太元二十一年

皇太子係體宸極年德並茂宜簡國媛緝宣內教故中書令太常

王獻之新安公主息女六行聿修四德允備加之世載簡正慶深

積善僉曰宜作配儲宮正位中饋細覽一百四十九引東宮舊事

與王彪之書

東海王來月欲迎妃而女身有大功服此於常禮當是有疑但先拜時大禮已交且拜時本意亦欲通如此之闕耳不得同之初婚固當在於可通通典五十九

荅范尚書

既有所準情理可通故人主權而行之自君作故古之制也古人墨經從事豈情所安逼於君命之所制奪於人臣之所屈乃至於斯日今方之事情輕重豈得同日而欲執違耶又今自拜時未為備禮暫一致身交拜而已即之於情有何不可且今王氏情事與國家正同王命既定事在必行通典六十五濛息叔仁兄十月亡至仁百喪辭范尚書與會稽王駿為申其意會稽王荅

與人書

異暑復何如向見厥云卿小苦瘡不乃曰為患治之不遺不悉司

馬道子白帖卷一

會慶王造子

賜進士出身一品銜廣東等處提刑按察使司按察使兼管驛傳事務與歸王毓藻校刊

全晉文卷十七終